

Na osnovu sporazuma o organiziranju vanrednog studija informacionih nauka – bibliotekarstvo, koji su dana 19. 06. 2007. godine potpisali Institut informacijskih znanosti, Maribor, Sveučilište u Zadru, Univerza v Ljubljani, Universiteti i Prishtinës i Univerzitet "Sv. Kiril i Metodij", Skopje

INSTITUT INFORMACIJSKIH ZNANOSTI, MARIBOR, SLOVENIJA

raspisuje

KONKURS

za izbor kandidata za regionalni vanredni postdiplomski studij

Bibliotekarstvo

za sticanje magisterija struke (drugi bolonjski stepen)

Studij se u akademskoj godini 2009/2010. organizira za 50 studenata iz Albanije, Bosne i Hercegovine, Bugarske, Crne Gore, Kosova, Makedonije i Srbije, koji su stekli visoku stručnu spremu na studiju u trajanju od najmanje četiri godine, a zaposleni su u bibliotekama ili srodnim ustanovama.

Nastava će se izvoditi na Univerzitetu u Ljubljani, Filozofski fakultet, Odjeljenje za bibliotekarstvo, informacijske nauke i knjižarstvo (dva puta po jedna sedmica), a dio predavanja i vježbi u trajanju od po najviše 5 dana održat će se u Mariboru, Zadru, Ohridu/Skopju i Prištini. Nastava će se izvoditi na engleskom jeziku, a kod polaganja ispita i izrade seminarskih radova može se koristiti i drugi jezik, ako je s time saglasan predavač.

Studij sufinansira Vlada Republike Slovenije u okviru programa međunarodne razvojne pomoći bibliotekama u ciljnim državama projekta COBISS.Net. Pokrivaju se troškovi upisa, školarine, propisane literature i smještaja studenata (polupansion) za vrijeme trajanja predavanja i vježbi van države iz koje dolazi student.

Prijavu na konkurs sačinjavaju:

1. ispunjen [obrazac za prijavu](#)
2. fotografija kandidata u formatu jpg
3. [molba za priznavanje prethodno stečenog obrazovanja za potrebe daljeg obrazovanja](#) (sa svim obaveznim priložima)
4. [molba za priznavanje neformalno stečenog znanja i vještina](#) (sa obaveznim priložima 1. i 2. iz obrasca, a ostali prilozi dostavljaju se naknadno, ako kandidat bude pozvan na polaganje diferencijalnih ispita)
5. potvrda poslodavca o zaposlenju kandidata i izjava da će učešće na predavanjima i vježbama radnim danima kandidatu priznati kao ispunjavanje radne obaveze i pokrivati s tim povezane putne troškove

(Obrasce pod tačkom 1, 3 i 4 pohranite na vaš lokalni računar, ispunite ih, odštampajte, potpišite i skenirajte.)

Dokument pod tačkom 5. mora biti na jednom od sljedećih jezika: slovenačkom, engleskom, bosanskom, hrvatskom ili srpskom jeziku (latinica).

Prijave na ovaj konkurs, sa elektronskim kopijama svih priloga, treba poslati elektronskom poštom (u jednom e-mailu) sa elektronske adrese kandidata na adresu library-study@izum.si do 5. 4. 2009. godine **(23. 4. 2009. godine)**.

Podnosioci prijava bit će do 15. 4. 2009. godine **(6. 5. 2009. godine)** obaviješteni o izboru kandidata koji mogu pristupiti polaganju diferencijalnih ispita (po izboru u Beogradu, Skopju i Tirani) u trećoj sedmici juna, kada će sa kandidatima biti obavljani i individualni razgovori (uključujući provjeru znanja engleskog jezika). Tom prilikom, kandidati će predložiti originale svih dokumenata koji sačinjavaju prijavu na konkurs.

Konačni izbor kandidata za upis obaviti će zajednička komisija Univerziteta u Ljubljani i Instituta informacijskih znanosti u Mariboru na osnovu rangiranosti uspjeha na diferencijalnim ispitima, prosjeka ocjena na visokoškolskom dodiplomskom studiju, rezultata razgovora i utvrđenih upisnih kvota po državama. Prioritet imaju kandidati iz država u kojima ne postoji studij bibliotekarstva i kandidati mlađi od 40 godina. Iz jedne institucije mogu biti izabrana najviše dva kandidata. Kandidati će o izboru biti obaviješteni do 30. 6. 2009. godine i pozvani da do 10. 9. 2009. godine podnesu prijavu za upis.

Upis izabranih kandidata i prva sesija predavanja i vježbi planirani su početkom oktobra 2009. godine.

Maribor, 6. 3. 2009. godine **(8. 4. 2009. godine)**

Institut informacijskih znanosti
Prešernova 17, 2000 Maribor, Slovenija

Osoba za kontakt: mr. Aleš Bošnjak
Tel. +386 2 2520-343, Mob. +386 51 350-026
E-mail: library-study@izum.si